

四書解頤言

四書解瑣言卷四

青浦方祖範香宇著

受業門人叅訂

男春熙虎泉

編次

恩普郇如

孫宗純心一校

孟子下

不以六律不能正五音。毛西河言正者證也。準也。五聲統二變。五清有十二層聲。必造十二層之管以合之。彼此準合爲證明之解義亦可通。然謂正字無集註節字義六律非節五音之物。

則誤認節字如枳梧節樂之節只一器之用不知節本活字節制也驗也五音之高下無形六律之長短有形以有形之律堯乎無形之音而制其過六律之長短有定五音之高下無定無定之音憑乎有定之律而驗其合此所以爲正也而準字證字之義該之矣。

堯舜之道道字與上聰明巧一例與不行先王之道道字有別固當指仁心說然仁心字在下所謂道者如天好生堯舜本於所性生來自有運用不窮的道理聖人人倫之規矩人倫有常有變聖人有經有權經以處常猶

矩之爲方。權以處變。猶規之爲員。至是至極。亦是恰好。

引孔子之言。雖曰道二。正是說道一。不是仁。便是不仁。別無中立一途。舉其二以證其一。無非要人法堯舜而已矣。三字在孔子口中。尚有對面不仁一層。孟子引來。只是必法堯舜以盡仁與上節而已矣。一箇意思。

天下國家。恒言只箇圖說話。自孟子推言之。卽其序而本見焉。然本之中。尤有本則身是也。身者家之型。身不修。則家不齊。更何以推而及於國與天下。恒言却未之及。孟子推論到此。更爲指點出歸根用力處。

家之本在身此本字比上二本字尤重身者天下國家所取正焉則卽爲天下國家之本也是一箇總本

惠迪吉從逆凶順天逆天之旨已見於虞書大禹謨而修德以回天此理自孟子發之唐李泌君相造命之說蓋本於此是不以隨遇者順天而以修德行仁者順天豈徒曰聽天所命乎離婁前八章凡言仁政二章至五章註皆承上章而言此章開口說不仁者可與言哉是亦從上章欲無敵於天下而不以仁唱嘆而入蓋旣不仁矣而與天下爲敵是危也苗也所以亡者也乃不仁之君方安焉利焉樂焉雖有忠言讜論欲救其禍而

本心既失昏不知也故卒不可與言通章語意危悚激切惕以  
其危其苗其所以亡而反覆明其自取雖曰不可與言正是警  
之而望其能聽言意蓋必有爲而發

嚙安宅而不居舍正路而不由一以爲不可居不可由一以爲  
不能居不能由兼自暴自棄說雙峰饒氏新安陳氏專就自棄  
者言非是

在爾在易章蒙引謂論道術固是然求遠求難應不但指當時  
邪說功利爲言蓋人情忽近而圖遠舍易而就難自是好高者  
通病而不知道本不遠於人親親長長孟子特就各人身上指

示根本。令下實地工夫。若異端邪說。楊墨孫吳申商之徒。畔道而亂天下者。又非只求遠難之謂。立言之意。亦不專主人君倡率教化。平天下。雖是人君之事。此章但論道理。恐人嫌其淺近。故說天下平。亦只是這箇。却不謂士民衆庶。無天下之責者。可自外於親親長長。

思誠思字。蒙引謂是要做工夫。其工夫實際却在誠字內。愚按中庸誠之。孟子思誠。本無二旨。思字是用力字。工夫實際卽在思字內。

求也。爲季氏章前二節。從富國引入強兵重善戰者之罪。富強

本各開說章末闢草萊任土地者次之則富國亦以強兵盡地  
之力以爲峙糧芻茭之供次之卽次於善戰同在不赦之律也  
總併入善戰見其罪之甚重

耳。目。口。鼻。皆。以。形。用。而。目。之。睥。子。則。形。而。神。也。心。有。所。注。而。睥。  
子。卽。傳。之。不。管。人。要。掩。不。要。掩。當。前。悉。形。現。出。來。所。以。爲。良。

朱子曰易子而教考之孔子亦然若孔子自教其子則鯉所未  
學又奚問焉此論或未確詔以學詩學禮卽是所以教其子惟  
孔子自教陳亢所以有異聞之問後世亦但傳子思受業於曾  
子未聞伯魚之受業者何人也蓋以正不行原就常人之爲父



子者言豈所難於孔門賢子哉。

不失其身者常見得此身爲父母之身是以戰兢臨履不敢毀傷守身處卽念念不忘父母處故爲能事其親。

說統守身內含養志意思按養志內自包得守身意蓋前二節言事親守身只泛論道理不粘着曾子或雖能守身尙算不得養志必如曾子之事親視於無形聽於無聲直無一時一念不在於親守身養志原無二理能養志則守身在其中矣故末二節但言事親不更及守身。

格君心格字徐氏謂物之所取正或問小註以爲如合格之格。

疑此是感格之格。大人道全德備。積其誠意。自能潛孚默化。况又朝夕納誨。若啟若翼。以牖其明。故君心之非自有。以感格之求全者。砥節礪行。欲爲完人。全是全其德。全其行。非但欲全其名。集註求免於毀。此須善看。謂求免于可毀之實。而道高德修。或疑之。或忌之。反因以致毀。故爲求全之毀。

正子從子敖之齊。原非本意。當時孟子在齊。子敖求通。無自思得。正子爲作合之緣。因糾合同行。正子只以其情難却。竟從所請耳。而本文以樂正子從於子敖之齊。言若正子自去從子敖。此春秋書法。卽爲正子罪案。

南軒張氏謂克既館於子敖則未免受制於子敖故舍館定始  
得見其師讀者不察遂疑正子從子敖來齊卽館於子敖之室  
不知此正言恐其受制不欲館於子敖之意正子之不卽來見  
固明言舍館未定矣豈得謂既館於子敖而不能早見其師  
其揆一也其字屬聖人揆字粘屬其字註度之而道無不同自  
是聖人之度量事物者只一箇道理所以無不同也翼註要在  
兩聖字上見其揆之所以一處己山謂一處在聖所以一處在  
知聖者之能揆揆字屬他人者非

平其政與聽政不同聽政是攬其政之權平政是持其政之體

謂之平者如度物之有矩而無偏無陂如稱物之有衡而不俯不仰平則公平則正所以可大

本是中也教不中才也教不才不曰教而曰養以養字易教字最好教者啟迪訓誨便有責成意思養則從容寬裕默奪潛移俟其久而自化如農之養苗一般播種封植灌溉滋培自苗而秀自秀而實到這時候無有不成熟者則養之之道得也父兄之於子弟亦若是焉已矣

不爲有爲只在一時不是有不爲以養有爲之氣話頭照註重即所隱慮此是非邪正公私義利之辨如有兩條路在此不向

東邊路上走。纔向西邊路上去。

仲尼不爲己甚。南軒張氏引孔子答陽貨見南子以爲證。固是。而義有未盡。蓋如伯夷之清而隘。柳下惠之和而不恭。便是己甚。孔子則適如其本量而止。清不必如夷。和不必如惠。何有己甚耶。楊氏言本分之外。不加毫末。又須知本分之內。亦無不至處。當以中字作骨。

赤子之心。是良知不失其赤子之心。是致良知此當與不學不慮。章參看孩提知愛知敬。而不由學慮。是赤子純一無僞之本心。大人通達萬變。只從純一無僞充廣得來。雖到無所不知能。

亦是純一無偽。故曰不失其赤子之心。本文補良知良能章末  
備之意。集註擴而充之最得孟子立言微旨。蓋不但以守其本  
然者爲不失。而以能充其未至者爲不失。要見學慮不可廢。後  
世講學。姚江以致良知標宗。良知實理致字實功。的是聖賢真  
傳。惟以解格物致知。却非本旨。而論者遂詆以爲禪。則過矣。  
論語說博約。孟子加詳說二字於中。詳說正由博。反約緊要工  
夫。卽首句博學而詳說之。語氣便側注詳說。下句亦不但言反  
約。而言反說。約是從說之詳。而說到約處也。古人所以重講學。  
反說約與約禮不同。約禮是踐履邊事。反說約則從學之博說。

之詳。尋究出箇道理。源頭來。是知上事。尙未及行。

君子恥過情之聲聞。故字從上無本之水。涸可立待來。原是恥其不繼。然以君子爲己之心。縱使名可常繼。亦自可恥。恥正恥其無實。

君子之存。存幾希於庶民。卽存人類於天下。在上則道行。而存之。有其事在下。則道不行。而存之。有其言。要以一君子之存。存衆庶民之去。使人心之入於禽獸者。復還其爲人心。

允執厥中。旣自堯而啟。其緒故淵道。統必推本於堯。危微精一。尤自舜而析。其幾故言存心。則托始於舜。

由仁義行亦卽在人倫庶物上見

舜明物察倫由仁義行極精深微至禹惡旨酒而好善言說似  
淺近須知此從聖人心無不存來卽人道危微之旨却非淺近  
執中固貼行政說然中兼體用不得謂未應事以前無存心工  
夫也。虺詰曰建中於民以義制事以禮制心傳云義禮者所以  
建中者也。以禮制心則不偏不倚而中之體立以義制事則無  
過不及而中之用行

不泄不忘總見聖人存心嚴密無一處不到分言之則邇曰不  
泄遠曰不忘然正不是截然分開邇從遠處收轉入來見雖易



狎而猶不泄。遠從近處推廣出去。見雖易忘而猶不忘。纔是遠  
邇皆到。無一毫罅隙。

兼三王施四事。不惟繼志述事。而且監夏監殷。亦有集羣聖之  
成意。全節重思字於不合而求其合。精神無間于三王。此因革  
損益。我周制作之善。所以比前代爲獨隆。總要見禮明樂備由  
聖人。心思貫徹。無不從天理上體貼過來。

此章歷叙羣聖。雖偶舉一事。皆見憂勤惕厲之心。集註天理之  
所以常存。而人心之所以不死。二語最爲警悚。可見天理一刻  
不存。則人心便死。孟子示人以人禽之界。朱子又惕人以生死

之關同一救人心意

平王以後不盡無詩但黍離揚水王者之政教不行故雅降爲風而詩亡詩亡斷主雅亡隱公以前亦有春秋而孔子之筆削則自魯隱公元年始此春秋所以繼雅詩繼詩卽維王迹輯諸必謂春秋是繼王迹不是繼詩則孟子當日竟可云王者之迹熄而春秋作詩亡二字直成贅語至於孔子繼羣聖之統春秋一書不但不是繼詩亦豈止是繼王迹哉

有以變風終於陳靈解詩亡爲風亡者不知本文言王者之迹熄而詩亡明是雅詩若東門日出諸篇曾何關於王迹而可謂

變風之亡爲王迹之熄乎

六經皆傳心之要。孔子集羣聖之大成。直援舜禹湯文武周之  
統者。序書贊易。刪詩定禮。皆是。而此獨舉春秋。何哉。繼往聖開  
來學。道在六經。撥亂世反之正。功在春秋。拔人心於禽獸。莫要  
於春秋也。

私淑諸人人字。不可泥煞。猶子貢云。文武之道在人。夫子焉不  
學。而亦無常師焉耳。人固是子思之徒。然曰私淑。則或未必如  
史記所云受業者。此正孟子於間風興起之下。以道統自任。直  
接尼山一段至意。兩也字相連。相屬。心馳神往。穆然意遠。

存心四章當與治亂章參看治亂章就治化上說易亂而爲治  
關乎天下功甚大存心章就性理上說存其所衆去係乎人心  
甚微實則以人心之去存爲天下之治亂只一箇道理幾希  
去而庶民同於禽獸卽天下所由亂也幾希存而提出人心於  
禽獸卽天下所由治也

天之高星辰之遠高與遠有別不是天在上至高而星辰之麗  
天去下至遠遠亦高之意高以上下言是直說遠以四極言是  
橫說天象周環如蓋爲辰十有二星則常明者百有二十四可  
名者三百有二十爲星二千五百總星辰躔次所占之度盡周

天三百六十有五而遙南極去北極一百八十一度餘東西相  
去亦一百八十餘度測天之文有三垣兩界八紀九野二十八  
舍星辰環布周列象天體之轉圜而極遠廓之勢所謂星辰之  
遠也此與常解不同然自是一說可存

妄人何難似將橫逆撇開只不與校便了不知君子到此更放  
開心胸不但包容這箇直欲化得天下使無妄人者而後已此  
前三白反工夫又進所以下節君子有終身之憂用是故兩字  
直接憂不如舜則必如舜乃已終身如是憂終身如是存心也  
禹稷顏子一憂民之憂一樂己之樂從古未有舉而並論者孔

子雖皆賢之。亦尙各開說。孟子乃卽孔子賢之之意。合而斷之。曰。同道。道同者。心同理同。而其出其處事。正不必盡同事之所。以不同者。所處之地不同也。隨其所處之地。以各盡其理。則事之不同者。正不害其爲同。故易地則皆能爲之。而謂之曰。同道。求富貴。利達情狀。借乞人寫出乞人情狀。又從其妻眼中看出。運實於虛。此孟子文章入神入妙處。正不必當時果有是事也。惟正意已於齊人一節寫足。故下只以所以求三字。該之在他。人不知其可恥。特不堪爲君子觀也。君子持身素正。見理甚明。從冷眼中。熟察情形。以爲此正與乞人類耳。此照確切。不嫌刻。

深。

帝之妻舜而不告。謂帝亦不使舜告。却自以二女之將嬪于虞者。命瞽瞍。堯既以君命臨之。故舜遂可以不告。而瞽不敢逆堯之命。卽亦不得禁舜之娶。此堯曲爲舜地也。程子以君治之之說。自確當。仁山金氏曰。集註引程子語。是補孟子未備之意。而予爲是說。是補程子未備之意。以君治之。若非堯先命瞽。竟似瞽不得與知此事者。情事猶爲未合。己山所以云有以處堯反無以處舜也。謂帝自以釐降之意。命瞽蓋卽程子之說。而引伸之於義始足。

瞽瞍使舜完廩浚井。程子與司馬氏蘇氏皆辨其無獨。林氏謂其有愚。以爲或帝女釐降以前。于田號泣時事。當觀型下嫁之時。瞽象已自感化。書所謂烝烝乂不格姦。豈至此而復萌殺舜之心。林氏又以爲不格姦者。但能使之不陷于刑戮。若家語所謂索而殺之。未嘗可得。卽此焚廩浚井之事。蓋亦思克諧烝乂。爲岳薦舜之言。四岳薦之。堯乃妻之。林氏旣以此事實。書語則二女嬪虞。自在焚廩浚井之後。前此嬀汭未降。豈得云二嫂治其棲。此不獨可証萬章所引好事者之誣。亦見林說之支離而附會矣。



雙峯饒氏曰。完廩浚井。事倘無。則不告而娶。亦焉知非無。愚意不告猶告。孟子固嘗言之。當非無據。

聖人之所以爲聖人者。惟其一誠無僞也。而謂以僞行于弟乎。自舜視之。天理常在人心。鬱陶思君之象。便是烝乂不格。姦之象。而豈忍料其弟之必以僞來。故象自僞也。舜自誠也。天理中。之人情。是眞人情。信象只信道耳。

瞽瞍使舜完廩浚井。孟子弗辨其事之有無者。朱子謂學者只欲識得舜之心耳。此不足深論也。至堯瞍朝舜之說。悖理變常之極。固不得不爲置辨者已。但咸邱蒙見識淺陋。姑弗與言理。

而但舉其事以正之。堯者舜攝則自無臣堯之事。尊養既至則亦無臣父之事。其事既明而理自定。齊東野語豈可以誣聖人。堯以天下與舜自是實事。載諸經傳本無可疑。萬章之問是謂堯不以天下私子。於此見堯德之至。卽爲下章不傳賢而傳子。至於禹而德衰。一問張本。孟子却以否字撇開。尋常見解說箇天子不能以天下與人發。從前未有之議。此非故爲翻案也。受天命者爲天子。天與固是確論。而又非如後世符命之說。假借附會以欺愚賤之耳目。善言天者必有驗於人人。與卽是天與。因非一人之私與。天子不能以天下與人。詞甚嚴理甚正。憑空。

下此一語聖人心事。昭如日月。使後世奸雄竊神器妄生覬覦者。不得藉口於堯之禪舜。

堯之禪舜。必諸艱歷試。天人皆與。然後以天下授之。孟子所謂天子不能以天下與人者。自是千古定論。舜之讓於禹也亦然。斷無有功德不建。天人弗與而輕以天下付之者也。乃如莊周及遷史所傳。有謂堯讓天下於許由。許由不受而逃之潁水之濱。箕山之下者。其後舜讓天下於善卷。善卷亦不受而逃之。無論典謨不載。事本無稽。揆之於理。必不然矣。夫許由善卷。生中天之世。而逃世絕人。以自藏其拙才。不能過夷。夔德不能並稷。

契而堯舜漫以天下授之。是堯舜之讓天下。不易於舜禹而獨  
易於許由。善卷也。豈足信哉。後之學者。言必本於經。事必衷諸  
理。當力破從前謬悠之論。以開萬世之惑。幸勿爲其所欺焉。  
舜之有天下。分明繼續於堯。堯不能與。將孰能與。然則舜有天  
下也。孰與之。萬章此問。見得還是堯與耳。

天之不能命舜。萬章豈不知之。又故爲此問者。天道杳渺昏默。  
諒不自爲命舜。將何從見其爲天與。要見得天與無憑。則仍是  
堯與。

天與賢則與賢。天與子則與子。此二語道得聖人心事。出千秋

萬世之天下。官家異局。堯舜禹授。受無私之意。昭然如青天白。日通章大意。已盡末引孔子之言。其義一也。所謂義者。卽奉天無私之心而已。

外丙仲壬二年四年。朱子以趙氏說列於前。自以趙氏之說爲長。如程子說外丙方二歲。仲壬方四歲。是仲壬長於外丙。不應先外丙而次仲壬矣。十千之次。先丙後壬。自應兄爲丙而弟爲壬。外丙方二歲。仲壬乃四歲。何以稱焉。惟以外丙仲壬繼湯而立。二年四年。故於太甲以前。先叙此二句。不然。太下未立而死。太甲以嫡孫承重繼祖。便可接入太甲。此二語不爲贅乎。若謂

商家兄終弟及外丙仲壬特以二年四年而不立爲中間補義則當思太甲嗣湯而立爲承祚繼統第一人兄弟以次相傳前此未有之事而何必言乎兄終弟及蓋自外丙仲壬始

伊尹耕莘樂道本文明言樂堯舜之道自應緊貼堯舜說道指精一執中正已正人之道後時覺斯民正天下堯舜君民之業本領在此堯舜以道治世尹以道治身堯舜行其道而巍巍不與尹守其道而巍巍自得道無異道其所以樂實從躬備堯舜之道來

天下千駟一介之不取與根底全在樂堯舜之道堯以天下與

舜舜受堯之天下皆是道尹於此辨得精見得透千駟一介事  
有大小道義無大小也

既曰非義又曰非道雙峯謂道是體義是用義以事言道以理  
言但此處非義本是非理必又言非其道者非義卽非堯舜之  
道也見尹無時無事不折衷堯舜之道

彌子欲邀孔子爲主而許以衛卿小人之見則然矣獨疑子路  
何以告也豈謂聖人堅則不磷白則不淄公山可往佛肸可往  
陽貨可見彌子亦無不可主耶君子守身之法子路平日持之  
最堅其不爲衛卿動也明甚特欲藉是以觀聖人所處耳

宮之奇百里奚並爲虞臣何以奇當諫而奚可不諫想是二人所見略同凡奚所欲言奇已先言之而公不聽則奚雖諫虞公必不行故不諫而去也是宮之奇諫一句正百里奚可以不諫緣由並非閒文

孟子卑管仲之功而此章盛稱百里奚之賢智豈百里奚相秦之業勝於管仲哉百里奚卽管仲之流亞顧其不能致主於王道前旣於管仲言之故此可無深論第卽其知亡知興相秦以戒霸顯不謂之賢與智不可而世乃爲食牛干主之說以汚之知其必不然矣此誠范氏所爲出處之大節孟子所以不得不



辨

割烹三章。尹氏謂當時好事者之論。大率類此。蓋以其不正之心。度聖賢也。如萬章之徒。轉相傳述。而信其言。固是以不正之心。度聖賢。至好事者之造爲此說。直硬裝聖賢頭上。以自遮蓋。以自解嘲。乃是有意污蔑聖賢。

孔子仕止久速無意。無必其動也。天所以爲聖之時。春秋冬夏。各以其序。天之時也。仕止久速。各當其可。聖之時也。伯夷有清的意思。伊尹有任的意思。柳下惠有和的意思。孔子惟無此意思。故時而出之。

時字有變化。從心意集字。有包舉統貫意。就道理固以無不備。故能當其可。時字原是從集字出。然兩節界限。集字却又跟時字來。

是章書雖曰其詳不可得聞。而大綱已自備舉。爵以位。定祿以田。分尊卑。上下之等多寡。厚薄之差。秩然不可紊見。孟子深明禮制。趙氏岐曰。孟子通五經尤長於詩書。尹氏曰。孟子精通於易。程子曰。由孟子可以觀易。又曰。知春秋者莫如孟子。吾則謂孟子尤善言禮。按七篇之中。如所爲井田。學校。封建。制祿。諸法皆能挈其綱領。此正孟子真經濟大學問。得遺聞於文獻。無徵。

之。日。實。而。可。見。諸。施。行。者。世。或。疑。其。與。王。制。周。禮。不。合。不。知。周。禮。本。僞。托。之。書。王。制。亦。出。漢。人。之。手。故。程。子。云。禮。書。難。盡。信。南。軒。謂。當。以。孟。子。爲。正。則。謂。孟。子。尤。長。於。禮。也。自。無。不。可。此。當。與。問。爲。國。章。參。看。彼。言。授。產。而。及。制。祿。此。言。班。祿。而。及。耕。者。之。受。田。見。井。田。與。封。建。相。表。裏。

直解云通章是述周室班爵祿之略。以天子爲主。言爵以天子一位。句領起蓋天下之爵自天子班之也。言祿以天子之制二句領起蓋天下之祿俱自天子班之也。節節把天子作主。見得名分凜然不可僭越。固是思意提起。天子領天字作主尤見。

奉天無私之意。天下非天子所能獨理。故建侯設官而爵以定。天下非天子所敢自私。故分國授采而祿以分。班爵祿之制。必自天子始者。班之天子實。班之自天。天子者承天之道。天位天祿與天下共之。而尊卑小大罔非天之所定也。

仕非爲貧章。似爲爲貧者言。意實不爲爲貧者言。見居高位而立朝者。必當行道。不可自託于爲貧。以首末二句爲主。首句仕非爲貧也。已是說煞。而有時乎爲貧。原非正理。不是竟撇開上句。轉入下句中。三節言是爲貧。必辭尊富。如孔子之爲委吏。乘田方是。若居尊富而不行道。正屬可恥。卽以繳轉首句之意至。

位卑言高之罪。乃特借以相形。引起末句。人因中間說爲貧處。多。遂謂重爲貧。非也。尹氏言爲貧者。不可以居尊。居尊者。必欲以行道。挽轉首句。正與愚意有合。若重爲貧。則二句應倒轉說。居尊者。必欲以行道爲貧者。不可以居尊。

今而後知君之犬馬畜。是使者既出之後。作自忖自度語。蓋子思不悅。只心裏邊不悅。古賢人斷無對君使而不足于君明言。不以人禮待己者。卽探使者出諸大門之外。亦要看得好。但不受而無殷勤款接之意。便似磨而出之耳。焦漪園曰。稽首再拜。聖賢終是何等氣象。

蒙引依左傳所謂庶人以旂士以旂大夫以旌者皆是田獵時  
招但傳云弓以招士此士以旂不同耳愚按士以旂指已仕之  
士招卽名車乘弓招是未仕之士以車弓往聘猶詩云素絲良  
馬也招非名蒙引欠分曉

尙論古人舍詩書不得但靠詩書不得故又要論世知人論世  
不平頌讀本是要知人論世亦是要知人意重知人能知然後  
能取而可爲尙友總歸結到取善上

貴戚易位三仁不能行之於紂蒙引謂使以湯武或孔子處比  
干箕子之地必不終於囚死當廢紂而立微子矣竊疑此有未

必然者湯武。惟爲異姓諸侯。天下人心之歸往。故能以仁伐不仁。使其處比干之地。而威權在紂。豈易得而制之耶。至於孔子。稱微箕比干爲三仁。謂皆合乎天理之正。而卽乎人心之安。則使孔子而處此。亦若是焉已矣。安在其必易位也。

異姓之卿。去有去位。去國不同。君之過。無關宗社之存亡者。只去位而已。如蜺龍致爲臣而去。是若宗社存亡所係。則并去其國矣。如宮之奇。百里奚。是。

翼註。告子論性。病在爲字。故孟子緊從爲字生出。戕賊字以折之。又須知病根在以杞柳喻性。謂人性本無仁義也。告子不識。

性難與極本窮源故只就他爲字折辨爲字既折倒則其以杞柳喻性本源之悖戾亦自見矣

不言戕賊人之性而言戕賊人者告子本意謂是拘轉人性而爲仁義仁義卽伐性之斧斤也若以爲戕賊人性正渠本意卽正告以非戕賊人之性此理告子亦未易明惟卽戕賊人以反詰之則人如何可戕賊爲仁義亦自無戕賊人之理而告子之說窮矣

生之謂性告子原只就人說但以生爲性知覺運動人與物自同集註兼人物言是隱攝末一節意在內



告子論性四章。或問孟子亦傷急要他倒己意。却不曾詳說。告子未必服。須知告子堅解。自是方欲自豎旗鼓以與孟子之言爲敵。故將自己所見直陳於孟子。略無折衷疑問之意。到得論之既窮。却又屢變其說。以求勝而不知所反。所謂不得於言。勿求于心者也。孟子故不與深言。只就他差謬處折倒。便住。然卽湍水章言人性之善。已將性善說與他了。生之謂性。章辨生不可以爲性。則生之理爲性。亦自在言下。行吾敬三字。明白簡括。義之在內。一語已自了徹。集註更下一心字。敬不是外面儀文。直從心出。有此一字。而義內之旨益顯。

而程論才不同。集註孟子專指其發於性者言之。程子專指其  
稟於氣者言之。愚按孟子論性而及才。未嘗不兼氣稟蓋才者  
心之精英。主張發揮性情。所謂良能者也。理在氣中。性情才一  
絡索。所以性善則情善而才亦善。如人爲不善。亦且有爲不善  
之才。在天降才之初。本可以爲善。而人自不爲善。孟子轉就反  
面托出正意。雖是幽厲。瞽象與紂。只人自要爲不善。而不當指  
此以咎才。故曰爲不善。非才之罪。正從受形成性理氣合一源  
頭說下論至此。始爲微至。若使爲不善。竟以氣稟言之。又何以  
破三說之謬哉。

心之所同然者。不是以此人之心。求合乎彼人之心也。惟人心各有理義。只各就其心見以爲然。便人人並以爲然。卽聖人之心。無不以爲然。所謂東海有聖人出焉。此心同。此理同也。西海有聖人出焉。此心同。此理同也。南海北海有聖人焉。此心此理無不同也。千古世之上。千古世之下。有聖人焉。此心此理亦無不同也。

心爲主。氣爲輔。心存則氣自清。氣清則心益存。心藉氣以養。工夫緊要處。只在操存。操存要使。且晝之所爲。有以接續得夜氣。平旦之氣。當與易復卦。泰看復。冬至陽生。卽一歲之平旦。且氣

清明卽一日之天。良來復同。是一箇道理。

心本不可言消長。所以消長者。人心之仁義也。仁義存於人心。仁義之消長。卽人心之消長也。消長二字。但說心不得。註言人心自是仁義之心。心在乎仁義。是爲操。卽爲存。爲入。氣自清明。心得所養。而仁義之心日益長。心違乎仁義。是爲舍。卽爲亡。爲出。氣便昏濁。心失所養。而仁義之心日益消。荆川云。心具乎理。而乘氣以出入。

人當本心。既失之後。誰復知。舍生取義之心。是吾固有者。故前四節反覆言之。以明其必有中。二節重人皆有之句。行人乞人。

不受不居正以其皆有是心故也。當此生。死關頭。雖死而不受。此心真若可憑。乃忽受無禮義之萬鐘。是心爲萬鐘所動。頃刻轉變。前後頓若兩人。遂使人人皆有之心。獨讓賢者以勿喪。非失其本心。而何末句是通章結穴。此之謂三字如呼寐者而使覺。晨鐘一擊。令人驚起。

嗔。蹴之簞豆。雖死不受。是危迫之際。良心激發。與乍見入井。皆有怵惕惻隱之心。一例。朱子嘗以能讓千乘之國一節。與此對看。好名之人。於大處打得過。小處漏綻。是已動於萬鐘者。小處遮掩得過。大處發露。語似可商。雖死不受者。正其羞惡之本心。

發○現○並○非○小○處○遮○掩○忽○動○於○萬○鍾○者○乃○是○厚○資○當○前○致○喪○失○其○固○有○亦○非○所○謂○大○處○發○露○

物○之○自○外○至○者○得○亦○常○失○亦○常○從○後○來○者○得○亦○可○失○亦○可○惟○此○秉○彝○之○良○心○爲○人○之○本○心○而○人○失○之○而○不○自○知○不○自○錯○所○以○可○嘆○

仁○人○心○是○二○是○一○猶○日○之○明○耳○之○聰○謂○明○聰○爲○耳○目○所○具○也○可○謂○明○聰○卽○耳○目○也○亦○可○

聖○賢○從○事○於○學○問○無○非○要○求○放○心○無○他○而○已○矣○如○是○解○便○不○差○爲○求○放○心○而○學○問○則○學○非○詞○章○記○誦○博○涉○泛○驚○之○俗○學○有○學○問○

以求放心則亦非異端不必讀書窮理只空守此心之求放心  
求放心謂不必讀書窮理者固不是謂專在讀書窮理者亦不  
是聖賢學問工夫自兼知行格物致知存養省察皆是學問皆  
所以求放心主敬與窮理兼說才是

前章小者就口腹言故說養後章小體就耳目言故說從口腹  
之欲亦可言從而養字爲切耳目却但可言從不可言養從則  
從其欲養則養其聰明養非不好字蒙引養以用功言從以成  
功言似未確用功成功就大體言則可就小體言則不可說統  
從其大體是憑他作主從其小體是任他馳逐兩從字義又有

別

思在臨几審慎。如視則思明。聽則思聰。君子九思。皆是所以慎。動先立乎其大者。孟子特補出主靜工夫。要於耳目未交之前。敬以直之。使虛靈之本體常存。是以事至而此心作得主宰。一事一物罔不體察。所謂定靜而後能慮也。凡言慎。獨必先戒懼。言省察。必先存養。若不有這一段工夫在前。則此心昏昧放逸。體不立而用無以行。雖思亦妄。故此一句乃通章最緊要處。修天爵以要人爵。是本爲人爵而修天爵。則得人爵而棄天爵。棄之根早伏於修之日。輯語謂因其可棄。知其修時爲要。吾謂



由其修時爲要。知其得後必棄。

爵係以天貴。謂之良與人。爵人貴固是殊途。即使脩天爵而人爵不至。天爵自是可貴。因上章脩天爵而人爵從。說是合一。反於足已無待的道理。似有所未足。故又以良貴之不願乎外者。見內重外輕之理。聞譽雖自外來。然以己之飽乎仁義而自施於身故。亦爲己分上事。而謂之良貴。

艾千子曰。一服一言一行。皆如堯。非易言之也。乃儻舉而難言之耳。愚按上一節告以徐行疾行。此一節告以衣服言行。皆就粗淺處說。與上文豈以不勝爲患。末節道若大路。然皆是對針。

若說難了。反失立言之旨。

存疑夫道若大路。須放開說。不止上文孝弟。故註曰。性分之中。萬理皆備。愚按。註明言事親敬長之間。則道自應切。孝弟說性分之內。萬理皆備。孝弟非性分內事乎。隱處發見亦正就事親敬長間。此理從性分中發見出來。對付舊交淺陋人說話。上文既從堯舜之道約歸到孝弟末後。不應又放開去。

五霸趙氏謂齊桓晉文。秦穆宋襄。楚莊。丁氏謂夏昆吾。商大彭。豕韋。周齊桓。晉文。集註並存其說。未有定論。按應劭風俗通。夏后太康。娛於耽樂。不循民事。諸侯僭差。於是昆吾氏乃爲盟主。

誅不從命以尊王室及殷之衰也大彭氏豕韋氏復續其緒朱子語類楚子侵中國得齊桓與之做頭抵欄遏住他齊桓公死又得晉文公欄遏住如橫流泛濫硬做隄防獨稱齊桓晉文而他國不及焉蓋宋襄本不成爲霸楚莊則僭王猾夏而已惟秦穆公誓師悔過稍爲能自樹立而功業終不及齊晉然則丁氏以齊桓晉文與昆吾大彭豕韋列爲五霸而不及秦穆宋襄楚莊宜矣

則有讓讓字註以爲責則只以言詞詔令切責之也或謂從上文慶以地推之讓亦當以地言但下文再不朝則削其地以削

地正不朝之罪則讓之不以地可知

所謂逢君之惡自不一端然舉其重者當指下章我能爲君辟土地充府庫約與國戰必克兩種人而言一是爲君富國一是爲君強兵只我能爲君四字便見是逆探君意而成之

引其君當道志仁或側重志仁或側重當道雖各有意義然不如以當道收繳不過制以志仁收繳不殃民回應上文爲全章結束

條辨起結兩吾子過矣但就丹之自以爲愈禹而申斥之愚按士子過矣言丹自謂愈禹之過下吾子過矣承以鄰爲整仁人

之所惡來是言治水之過兩過字不同。

君子不亮亮字應作明字解。集註亮信也。與諒同。疑未是。蓋君子於事固貴有所執守。然必先明乎理。然後守得不錯。若非格物致知於理不明。則以應天下之事。全無依據。何能有執。卽執亦定多差誤。按亮子見於尚書。舜典曰亮采惠疇。皋謨曰亮采有邦。周官曰寅亮天地。皆訓明字。不當依說文謂古無亮字。與諒字通也。

傳說以下諸人皆言舉舜獨言發說統發者奮起由已舉者甄拔由人固是。又謂此君相之別。或未然。舜之始奮也。亦只相堯。

惟其有聖人之大德。天若爲舜特破一格。俾至德之光華自然騰達。乃至在位而爲帝。所謂發也。舜典元德升聞。升聞二字卽發字之義。

書說命。武丁旣免喪。恭默思道。夢帝賚以良弼。審象旁求。得說於傅巖之野。爰立作相。或言高宗於傳說已素知之。恐人不信。故托於夢以神之。此言非是。蔡傳以爲高宗恭默思道之心。純一不二。與天無間。故夢寐之間。帝賚良弼。至誠之心上格於天也。此章動忍增益。天於大任將降。默佑聖賢。始困而終亨。與高宗之恩賢而夢說原只一理。然繪象以求舉賢以夢其事甚奇。

易○滋○後○世○之○惑○故○孟○子○不○援○以○爲○據○只○言○舉○於○版○築○之○間○不○及○  
帝○資○一○事○

膠○鬲○仕○於○紂○爲○商○之○賢○臣○武○王○伐○紂○時○紂○使○候○周○師○於○鮪○水○者○  
也○註○言○遭○亂○鬻○販○文○王○舉○之○蓋○是○舉○而○進○於○紂○如○湯○之○聘○尹○以○  
進○於○桀○旣○仕○於○紂○武○王○決○無○使○叔○旦○同○盟○之○理○使○鬲○而○受○周○之○  
盟○是○鬲○有○二○心○也○使○武○王○而○使○與○之○盟○是○教○鬲○以○貳○於○君○也○豈○  
聖○主○賢○臣○之○事○哉○爲○是○言○者○亦○如○孫○武○所○云○商○之○興○也○伊○摯○在○  
夏○以○伊○尹○爲○反○間○云○爾○甚○可○怪○也○  
苦○餓○困○拂○固○天○之○造○就○聖○賢○亦○要○見○聖○賢○善○承○天○意○動○忍○增○益○

總有任大事精神力量。要看將字必先字。所以字動忍增益須。自苦餓困拂中出聖賢處。困履危自有一番惠勤惕厲工夫。如玉之受礪金之就範。一經琢磨鎔冶。乃愈煅鍊得潔白精純。生於憂患死於安樂。全章結穴是當下立言本旨。人情處憂患者抑鬱無聊。便振作不起。處安樂者恣情縱欲。皆偷處目前。詎知憂患乃磨礪斯人之具。而安樂適戕其身。心者哉。說箇生字。令人於憂患中鼓舞作興。說箇死字。令人於安樂中心驚魄。喪一以爲勸。一以爲戒也。

存心養性原只一箇道理。存心卽所以養性。養性不外乎存心。



然此節存養對舉。却分開平說。存心自存心。養性自養性。存心在主敬。養性要循理。在聖賢能存心固。卽能養性。若如佛氏雖存心。猶不能養性。不得謂工夫只在存心。更無養性工夫也。立命者。天命在我。存則順。沒則安。完得義理之命。而氣數之命無權。則命自我立。

立命立其在我之命。是義理之命。莫非命也。順受其正。此命字是氣數之命。然曰正。曰順。受氣數。仍歸義理上。正命總在盡其道。盡其道。雖得凶禍。亦是正命。不盡道。雖無凶禍。亦非正命。立巖牆之下。桎梏而死。其爲非正命。固人所易見。

至于不盡道而行險徼幸亦何在而無巖牆安往而非桎梏哉  
大抵免有形之巖牆桎梏易知無形之巖牆桎梏難此章發上  
章末句未盡之意似降下一層而警世之意倍深切

求則得之舍則失之公都子章承上弗思來注下不能盡其才  
重舍則失之句此章須照求之有益于得言重求則得之句舍  
失正與求得相反相形惟舍故失求則自無不得  
反身而誠重誠字反身只自家檢點此身不是用力字與湯武  
之反○之身之異語類萬物皆備於我便是誠反身而誠便是誠  
之然亦指已誠者言下文彊恕正是做誠之工夫

附訓爲益。本論語季氏富於周公而求也爲之聚斂而附益之。句附益固是愈富。然附字下又接益字。則附非卽益也。乃幫助他意。若此章附字是從外相加之義。附如衣之附於身。本非素有者而忽來。意外疑不作益字解。

佚道使民。註謂播穀乘屋之類。原不泥。熬播穀乘屋使民當以築城郭治宮室用民之力。言所謂佚道者。如三時耕作一時公旬歲不過三日。擇可勞而勞。凡使民之事皆有佚民之心。

王民皞皞。章首二節言王民氣象之大。末節方直言王道之大。然不是截然兩截。王民氣象之大。方正見王道之大。王者存神。

過化上下同流。卽在不怨不庸。遷轉不知之內。下節要從上節。摹擬想像而出。

所過者化。註引舜事。義猶未備。或問凡身之所障蔽之所及風聲氣習之所被。皆所經歷也。較集註爲該括。

所存者神。集註以孔子立之。斯立等句。證明之。似與過化無異。因存神卽在過化上見。章意本是言王者德業之盛。故化神俱就及物處說。

不學不慮。發明性善之旨。戰國時人。但以氣質言性。謂仁義非性之所有。孟子故特提知能之良。喚醒當世。孩提知愛。少長知

敬卽此是仁義可知。仁義爲性所固有。亦人所皆有。達之天下皆同。卽中節兩無不字之意。良知知字雖亦是心有知覺之知。而知愛知敬則知覺在義理上。故以爲良知卽氣認理與告子生之謂性。佛氏作用是性不同。孟子之言性善以此。

其所不爲其所不欲。初心原是判然分明。略無疑似之見。貪冒之意。此固人之本心也。無爲無欲。只于當下持守得定。不爲轉念所奪。工夫最是直截。故曰如此而已矣。不是爲之欲之後。反求其本心而逆以制之也。一念之起。一事之發。須問是可爲可欲與否。否則一刀斬斷。此卽非禮勿視聽言動工夫。見人總要。

當幾果決

孤臣。註言遠臣。非徒來自田間。非親臣。世臣之謂。謂讒口交攻。羣疑衆謗。而君心疎遠。如楚屈平之類。以其獨清獨醒。孤立于朝。故曰孤臣。以其情睽勢隔。主志不孚。故曰遠臣。

孽字同蘖。木之旁出者爲蘖。姜媵所生之支庶亦同木之旁出。故謂之庶子。又謂之孽子。

求容取悅。取悅本爲求容。故阿徇亦卽逢迎之意。集註于下節言小人之務悅其君。以悅字該容字。總註容悅佞臣亦渾說輔氏以阿徇爲長君之惡。逢迎爲逢君之惡。則容悅先分二等矣。

似不必。

仰○不○愧○天○俯○不○忤○人○從○萬○物○皆○備○於○我○說○來○四○端○萬○善○命○之○自○  
天○與○人○同○具○倘○在○我○者○虧○欠○了○些○其○愧○忤○何○如○乎○故○須○全○得○天○  
之○理○盡○得○人○之○道○然○後○能○仰○不○愧○俯○不○忤○反○身○而○誠○樂○莫○大○焉○  
定○四○海○之○民○定○字○中○自○有○一○番○作○爲○事○業○四○海○之○民○所○以○不○定○  
者○或○氣○數○之○乖○違○或○人○事○之○悖○戾○有○君○子○而○易○亂○爲○治○生○民○係○  
焉○至○於○否○已○傾○屯○已○濟○治○定○功○成○是○聖○人○道○濟○天○下○之○實○事○故○  
君○子○樂○之○上○章○君○子○有○三○樂○而○王○天○下○不○與○存○焉○者○王○天○下○只○  
勢○分○上○事○到○其○道○大○行○民○無○不○被○其○澤○亦○便○是○性○分○中○功○業○而○

猶云所性不存。張羽臣曰：事業在性中，性不在事業中。二語最明劃。

呂豫石論雞鳴而起，章爲字極喫緊。味雞鳴而起四字，這爲善念頭。直于一日所爲處看出，非空空存想也。舍躬行而但言存想，是爲僞學問。開縣閃路所言固是，然所爲實基于念之所起。兩節皆以雞鳴而起四字發端，此正一日所爲立脚處。爲善爲利，念頭起處，聖狂只爭這些子。至微亦至危，故孟子特下一間字。欲人於此時審別路頭，慎獨者慎此。謹幾者謹此。妙香詩曰：把牢不許偷關過，舜跖人禽辨已遲。蓋深有得于孟子斯言者。



也。

權不與中字對。權本是借用字。所以進退推移而審此中者也。人知執中無權。兩節重在權。却不是離中以爲權。楊氏云。權以中行中。因權立。所以貴權者。正是要識箇中也。非權則失中。非中亦豈所謂權哉。

豈惟口腹有飢渴之害。人心亦皆有害。言飢渴之害。不但害口腹。且害人心。故下文直云。無以飢渴之害爲心害。蓋人求免于飢渴。厭貧賤而貪富貴。是卽飢渴爲人心之害也。集註作此。照心爲貧賤所害。猶口腹爲飢渴所害。疑與本旨有異。

則不及人不爲憂矣。本文人字是聖賢一輩人。集註則過人遠矣。人字是平常之人。兩人字自異道理。則同能過于常人。卽不憂不及聖賢。

伊尹放太甲於桐。故卽所以爲教時。太甲在諒陰。故營於桐宮。使朝夕與祖考相俎。興起其善心。所謂密邇先王其訓。是以克終允德。然則伊尹之志。惟知格君心之非而已。豈有一毫利天下之心哉。卽伊尹所言如太甲終不惠可廢也。亦後賢推論及此。在伊尹當日只知成君之德。冀其丕承基緒。決無廢立之見。參於事先此之謂聖人之心也。

伐檀之君子只自食其力所爲不素餐者猶小若君子之居人國也是國之君用其言便有功於其君是國之子弟從其教便有功於其子弟不素餐者大也條辨以爲翻轉詩意是孟子擔當世道語其子弟是其國之子弟統上下言之不止其君之子弟方見君子之居是國也有關世教人心其所係者甚大不當以自食其力繩之

尙志卽士之所以爲事謂士無事可見只尙志者非也蓋人孰不有志人皆卑污而士獨高尚不徇於時好不狃於近習才技固所不屑功利亦所不趨兢兢焉持之夙夜者獨有其志直是

壁立千仞不肯一時放倒。須照下仁義說。居仁由義。其志卽其事。大人之仁育義正。實不外此。故曰大人之事備矣。  
舜爲天子。皋陶爲士。瞽瞍殺人。則如之何。桃應此問。本只在皋陶見爲士者。法固不可廢。而勢有所不能行。以瞽瞍爲天子之父。故也是先有皋陶。雖欲執法。舜亦必禁之意。在故孟子一言執之便曰。然則舜不禁與。非疑舜之不禁。正疑皋陶之不能執也。迨孟子告以法有所受。舜不得而禁。是所難者。又不存。皋陶而在舜矣。然則舜如之何。桃應意中覺得舜於此實有無可如何者。豈知聖人之心。只循天理。雖處天下之至變。而歸于至常。

執者自執。逃者自逃。臯陶之守法。舜之愛父。正並行而不背。執之之字。言士之法。故可曰有所受。若以執。賸解夫有所受之之字。又何指。

夫舜惡得而禁之。就舜說不。就臯陶說法。本於天禁之。則違天法。立於聖禁之。則悖聖。夫有所受之也。是從舜之心。見得士師之法。有所傳受。故不得而禁。若就臯陶說。謂舜雖禁。臯陶猶必執。是士師敢於抗天子之命也。亦萬無是理。

范齊邑趙註。王庶子所封食也。本無據。釋地云。當時最多交臂。子意王子出質敵國。路經于范。遂與孟子適相值。未可定此尤。

穿鑿自范之齊本就孟子說以其從下邑之齊將至齊都而遠見王子故曰望見王子在齊不在范也不然當云自齊之范矣否則直云於范望見齊王之子之齊字曷用乎范固不必王子封邑故亦不是王子在范而望見集註但言齊邑最實最活最精細不當議其略也。

形色天性也是卽形卽色皆有所當然與所以然之理在告子食色性也是遺棄道理食色卽當性與此自異。

引而不發是教者旣啟其端以下要人自去領會却不容說盡物愛之而弗仁民仁之而弗親親當施之於親也惟先親親厚。

其所當厚不以同於民物而卽爲仁民愛物之本由親親而仁  
民仁民而愛物自有輕重厚薄之差先後緩急之序朱子解孝  
弟爲仁之本謂第一次第二次第三次又曰如木之有根有榦  
有枝葉兩喻自是此二句確解而此二句又卽孝弟爲仁之本  
註脚

武成以武名篇是武王伐紂歸而告成功於廟取止戈爲武之  
義如所謂偃武修文放牛歸馬正作書本旨孟子所取二三策  
此意自包括在內程子專以奉天伐暴反政施仁言者爲照下  
仁人無敵說也然亦疑意有未盡

有人人字指吳起孫臏之屬曰我善爲陳我善爲戰是導君以  
與兵搆怨之事殺人盈野殺人盈城糜爛其民而至肝腦塗地  
皆此等之人爲此等之言煽其毒而貽之禍也故以爲大罪  
仁者有生之理就性分上說道則見於倫常日用之間就行事  
上說仁本在人以仁之理從人身上發現出來則謂之道是勉  
人盡道以盡仁意  
士憎茲多口言惟士人道高德修爲流俗所疑忌而憎惡茲其  
所以多口也憎就心上說憎字不從上而從心不應作益字解  
趙氏之說恐未確且使茲字無着落



陳臻意中所爲不可。是恐王之不從所請。孟子意中所爲不可。是斷以義之必當自止。

孟子言性言命。固專以義理爲主。此却從氣質氣稟分別出義理來。性也。命也。一頓有命焉。有性焉。一轉自剖。哲。分明。有命則定之。自天。人有不能違者矣。有性則盡之。在我。天有不能限者矣。君子不謂性。不謂命。再找上一句。一刀兩段。使氣質氣稟之說牽混淆亂不得。而吾性命之旨乃獨伸于天下。

論語美善字。善爲美之實。此處善美。美又進於善。善固志仁無惡。美則其所有之善更充足飽滿。到精微純粹地位。

樂正子善則有餘信則不足故曰二之中又以爲四之下者不  
是抹倒正子正是鞭策正子書曰若升高必自下惟於四者之  
下有立脚處然後可循序以進而造其極

土地生物以養人政事所以安撫其人民三者之中人民其尤  
重歟

才與道比則道大而才自小惟未聞大道所以謂之小有才存  
疑小有才而不聞道猶足以殺其軀若有大才而不聞道殺其  
軀也必矣若商辛智伯是也此似可商商辛智伯自用其才而  
亡國破家亦小有才耳若所謂大才者如帝世禹皋商周伊且

旋乾轉坤之業。經天緯地之能。本於才。實本於道。道大而才亦大也。未聞道則有才。反不如無才矣。

此章重達字充字。與前無爲無欲章義略有別。前是誠意工夫。卽其所不爲。所不欲。初心保守之。只當下要把持得定。斷然無爲。無欲。不落轉念。卽是仁義。此重擴充工夫。由其有不忍。有不爲。端緒拽轉來於他事。要推擴得去。亦如是不忍。不爲。無少欠缺。而仁義不可勝用。

論語畏大人畏者。非徒畏其人。是奉其法。此云藐之者。是藐其勢。非忽其人。如堂高數仞之類。我得志弗爲。是所以能藐之故。

却又云在我者皆古之制。此制字是禹湯文武周公自古聖賢所定之法。守之而不敢過。亦卽所爲畏大人道理。正不相悖。口鼻耳目之欲。從氣質上來。卽氣質之性。故爲人所不能無。語類欲是好欲。不是不好底欲。亦以其生來便有是欲也。但任其主張。卽爲累於心體。故當寡之。寡欲做存養工夫入手處理。欲互爲消長。人心退聽一分。則道心充長一分。

呂氏曰。天下之難持者莫如心。天下之易染者莫如欲。申之曰。惟欲之易染。心之所以難持。故養心莫善於寡欲。

莊子子桑戶死。琴張臨喪而歌。集註雖未必盡然。要必有近似。

者以類推之。檀弓季武子死。曾皙倚其門而歌。亦不必確有其事。蓋其所以謂之狂者在志大言大動稱古人原不必引此以爲證。

言大。本於志大。特提明其志於嚶嚶二字之上。見聖人所取自在其志。若鄉原譏狂者則沒却其志而惟以言矣。

王陽明曰。不掩其言是狂者短處。亦是狂者好處。見其光明正大。全不自家掩護也。此正與鄉愿之深自蔽藏者相反。倘實不能副其言。而必欲遮遮掩掩。自爲覆匿。則便非狂者真面目矣。君子有維持世道之責者。反經必本躬行。建中表正。錫極綏猷。

以身方之標準。而又有禮樂刑政。範斯民於大中至正之途。然後道德一而風俗同。是君子固當就在上者言。然聖王不作。邪說誣民。聖賢自當以扶翼人倫爲己任。與天下剖別一番。蓋上有其人。則經綸大經。權歸君相。上無其人。則昌明正學。道在師儒。君子必兼在下位者方備。孟子一生閑先聖之道。闢楊墨。使邪說者不得作。皆反經而經正之事。此節書當與好辨章參看。

存心章。以周公繼舜禹湯文之統。而此不言周公者。語有互見。非周公不得與見知之列也。

孟子口中。若以見知自居。意中却以聞知自任。然而無有則亦無有。又兩不自居。而以俟後聖於無窮。此正繼往開來之意。見知聞知。自重聞知。由堯舜至于湯。由湯至于文王。由文王至于孔子。本皆聞而知之也。集註引林氏於側重見知處。所以節去。

四書解頤言補編

袁檢齋云。爲仁之仁。當作人。卽章首其爲人也。爲人二字。愚意不然。或問云。聖門之學。以求仁爲要。而語其所以行之者。則必以孝弟爲先。親親而仁。民仁民而愛物。從根幹達於枝葉。流通該貫。有生字。意所謂木立而道生也。若作人字。謂爲人之本。雖亦有解。而義已盡於上節。不好犯亂。不惟窄狹了孝弟分量。且覺上二句可刪。所以先儒都無是說。惟依本文。仁字。民胞物與道理。甚大。而爲之必自孝弟始。見孝弟爲學者所當務。纔得有子立言之意。



從心所欲不踰矩。是矩卽心心卽矩。理與已合而化之也。如鄉黨一篇見聖人動容周旋無不中禮。豈是有心如此大賢以下雖能不踰矩而未是從心所欲。若老莊之自然。佛氏之無相。自謂從心所欲。却又不能不踰矩。惟聖人渾然一理而泛應曲當。已山云。下三字須緊粘上四字讀。極是。

顏子不貳過。韓子以爲非發于行。彭子言人皆謂之過而後爲過也。生于其心則爲過矣。程子云。不貳過者。念慮小差。隨即冰釋。不復形于心術之間。說更微矣。然念慮亦仍就心上說。集註過于前者。不復于後。則是言形見之過。又是不同。韓子程子之

意蓋謂心過小身過大無身過易無心過難顏子三月不違仁三月之後心上猶有絕續痕迹也朱子則據問仁章克己已字夫子以視聽言動之非禮說故註云已者身之私欲也就顏子地分心體上自刮磨得潔白乾淨無纖毫疵累此其立說之所以稍殊○愚○按○心○者○身○之○所○主○心○有○間○斷○是○以○視○聽○言○動○檢○點○偶○有○不○到○而○謂○之○過○不○得○謂○心○之○必○無○關○于○身○身○之○必○無○關○于○心○語類有一條云不必問是念慮之過與形見之過但過不可貳耳疑朱子亦此意

率我信道不篤固是當前受病處然惟見理不明故信道不篤

如所謂好仁不好學其蔽也愚。君子可逝不可陷。可欺不可罔。  
正由平日致知格物窮理工夫得來。夫子以君子舉示。卽教宰  
我以窮理爲務。

子不語章外註引謝氏之說。條辨謂本文只說不語者在此。未  
說所語者在彼。記者却從所語看出夫子所不語。卽畫象反托  
法。此吾黨留心嗜學善觀聖人處。

仁本在我。離而去之者。心也。放是心之放。非仁有出入。故反而  
求之。卽此而在。集註以在字解至字。最的。

不在其位。不謀其政。就在下位者言。當安于下之分。不可干預。

上之政事。范氏言上不侵下。或問左右前後彼此之間各有分  
守。不可相踰。聖人之言本無不該。推論自可然。非正旨。  
寢衣三節。因孔子衣服之制而類記之。孔安國曰。寢衣。今之被  
也。說文。被。寢衣名。但果是被。何獨齊時始有謂之寢衣。雖用之  
寢。應略如衣服之制。而與被稍別。狐貉以居。滿異元言。若作裘  
與上狐裘複。作私居。又與褻裘複。居卽居。吾語女之居。詩秦風  
交茵。暢穀。文茵。卽車中所坐虎皮褥也。愚以此爲得其解。蓋古  
人席地而坐。冬月天寒。故以狐貉之皮爲坐褥。居字確以字益  
有力。

躬自厚而薄責于人。蒙引云：「我所施于人如謀欲其忠，交欲其信，人所應于我如愛人不親而不責其不親，禮人不答而不責其不答。」在人已交際上說，體註亦謂此節語氣只就涉世上講，並失之粗。因看重末句，似上句道理只爲遠怨設也。依集註責己厚是求其知，求其行反己責躬學問自修之事，責人主立教說薄者謂以人治人不責以所不能知不能行聖人口氣，豈得說向粗淺處。

六言六蔽體註謂心爲仁知信直勇剛所蔽最爲悖理。仁知信直勇剛皆美德，此不是蔽蔽因不好學而仁知信直勇剛之理。

如有物遮了。是蔽那仁知信直勇剛。

聖經欲誠其意。先致其知。誠意工夫。原與致知相連屬而傳文。不帶致知說者。語類致知誠意。是大學兩箇關。致知夢與覺之。關。誠意善與惡之。關。過了致知一關。又是一關也。故又以爲轉。關處。王姚江云。致知是誠意工夫。此不惟合格物以言致知。與。朱子異。亦可見其于誠意工夫。有未盡處。蓋姚江以致良知立。教。求知于心。只還其虛靈有覺之體。便謂知無不致。亦便謂意。無不誠也。宗姚江者。既不知其非。闢姚江者。亦未推論及此。予。固不識誠意。但卽以致知爲誠意。竊亦知其不可。如又言博文。

是約禮工夫。窮理是盡性工夫。惟精是惟一工夫。明善是誠身工夫。道問學是尊德性工夫。凡所爲簡易直截者。並失之疎略。舉一可以類推。

道之不行。不明。夫子互言之。章句推言所以然。不行由于不明。不明由于不行。蒙引云。知者過之。愚者不及。猶有知在。所以說不行爲切。賢者過之。不肖者不及。猶有行在。所以說不明爲切。殊失本旨。彼愚不肖之不及。知不及行者。固無論。知者知之過于道原。不知賢者行之過于道固。不行也。知行相因。不行從不明。勘定不明。從不行看出此不行。所以屬之智愚不明。所以屬

之賢不肖也。

夫婦之愚不肖。道可與知。與能者。道不可離。一倡隨。出入飲食。日用之事。無非道也。章句近自夫婦居室之間。語自該渾。史氏主形氣交感言。則泥而鑒矣。

微罪行。語類以其不致燔爲得罪于君。微罪屬聖人。文集亦云。孔子自謂是因聖人用意忠厚。又透過一層說。然與下文不欲爲苟去。稍不合。集註却不如是解。不以女樂去。是不欲顯其君相之失。以燔肉行。是不爲苟去。蓋不致燔。見君相只小小過失。所以爲微罪。然在孔子亦可以去而非苟去。但當依註。不必求。



深。